

საქართველოს ელექტროენერგეტიკის შიდასაქვყნო ეკონომიკური პრობლემები

DOI:10.36962/ECS108/4-6/2026-20

სერგო რუხაძე

საქართველოს დავით აღმაშენებლის
სახელობის უნივერსიტეტის დოქტორანტი,
zhvelia65@mail.ru

რეზიუმე

სტატია ეძღვნება ეკონომიკის ისეთ დარგს, რომლის სათანადო განვითარების გარეშე ქვეყნის ვერცერთი დარგი ნორმალურად ვერ იფუნქციონირებს. საქართველოს ელექტროენერგეტიკა, ისე როგორც საქართველოს მთელი ეკონომიკა, 1992 წლიდან იწყებს სოციალისტური ეკონომიკიდან კაპიტალისტურ, ანუ საბაზრო ეკონომიკაზე გადასვლას. ეს პროცესი განსაკუთრებით რთული აღმოჩნდა ელექტროენერგეტიკისთვის, რადგან ეს დარგი მანამდის ბუნებრივი მონოპოლიის კანონებს ემორჩილებოდა.

საბაზრო, ანუ კაპიტალისტურ ეკონომიკაზე გადასვლის პირველ წლებში საქართველოს ენერგეტიკა კრიზისში აღმოჩნდა. ამას მოწმობს მის მიერ წარმოებული ელექტროენერგიის მოცულობა - 1995 წელს მან აწარმოვა მხოლოდ 1800 ათასი კვტ. სთ. ელექტროენერგია.

მთელ რიგ წლებში ელექტროენერგიის მოხმარება საქართველოში აღემატებოდა მის ადგილობრივ წარმოებას (2020-2021 წ.წ.). არის პერიოდიც (2022-2023 წ.წ.). 2020-2024 წლებში დაბალი იყო დარეგისტრირებულ კომპანიათა აქტიურობის დონე (2024 წ. - 40,6%), 62,8%-ით არის გაზრდილი ბრუნვა, 75,7%-ით ელექტროენერგიის წარმოება, 111%-ით დამატებული ღირებულება, 262,4%-ით მოგება, 62,4%-ით - დასაქმებულთა შრომის მწარმოებლურობა და ა. შ.

საწარმოების წრილში ყველაზე კარგი მდგომარეობა აქვთ მსხვილ ელექტროკომპანიებს. სააწარმოოდ აღებულ პერიოდში (2020-2024 წ.წ.) მათ ყველა ეკონომიკური მაჩვენებელი გაზარდეს. ამას ვერ ვიტყვით საშუალო და მცირე ელექტროკომპანიებზე - საშუალო სიდიდის ელექტროკომპანიებს არა გაზრდილი, არამედ, შემცირებული აქვთ 2020-2024 წლებში ენერგიის წარმოება, ხელფასი, დასაქმებულთა რიცხვი, დამატებული ღირებულება და შრომის მწარმოებლურობა. იგივე მდგომარეობა აღმოაჩნდათ მოგების და დასაქმებულთა რიცხვის მაჩვენებლებში მცირე ელექტროკომპანიებსაც.

საკვანძო სიტყვები: ეკონომიკური პრობლემები; საბაზრო ეკონომიკაზე გადასვლა; მცირე, საშუალო და მსხვილი ენერგოკომპანიები.

შესავალი

იმის მიუხედავად, რომ საქართველოში 319 მდინარეა, რომელთაგან თითოეულზე შეიძლება აიგოს მსხვილი, საშუალო ან მცირე ჰესები, რაც საბოლოოდ გადანყვეტს საქართველოს ენერგეტიკული უსაფრთხოების პრობლემებს [ჩომახიძე, 2003, გვ. 43]. მაგრამ, დღეს, 2026 წლის 21 მარტია და ჩვენს ქვეყანას ეს საფრთხე მაინც უდგას. იგი ეხება ყველას, როგორც კერძო სექტორს, ისე სახელმწიფო სექტორს, საქართველოს ყველა რეგიონს, ყველა ქალაქს და ყველა სოფელს.

საქართველოს ენერგობალანსი დეფიციტურია. ასე იყო ადრეც, და ასეა დღესაც. ელექტროენერგიის წარმოების მუდმივი ზრდის მიუხედავად, საქართველოში მისი სულადობრივი მოხმარება 2023 წელს შეადგენდა მხოლოდ 4927 კვტ. სთ.-ს, აშშ-ში იგი უტოლდებოდა 11267, ხოლო ნორვეგიაში 24186 კვტ. სთ.-ს.

წინამდებარე სტატიაში შევეცდებით შევაფასოთ საქართველოს ელექტროენერგეტიკის მუშა-

ობის მაჩვენებლები მსხვილი, საშუალო და მცირე სანარმოთა ჭრილში და გავაკეთოთ დასკვნა მათ სამომავლო პერსპექტივებზე.

ძირითადი ტექსტი

დაარსების დღიდან საქართველოს ენერგეტიკა, მ.შ. ელექტროენერგეტიკა, ძირითადად კი, მისი ორგანიზაციულ-მმართველობითი და ეკონომიკური საქმიანობა გარდაქმნების პროცესშია. ჩვენ არ შევუდგებით ამ გარდაქმნების ისტორიული ასპექტების განხილვას, შევეხებით მხოლოდ ბოლო პერიოდის ცვლილებებს, შემდეგ კი, მიმოვიხილავთ მის საქმიანობის ეკონომიკურ მაჩვენებლებს და შეფასებებს მივცემთ მათ, დღეს იქ არსებული საკვანძო პრობლემების კონტექსტში.

საქართველოს ელექტროენერგეტიკა, 2017 წლამდე, ე. ი. მანამ სანამ იგი ეკონომიკის და მდგრადი განვითარების სამინისტროს შემადგენლობაში შევიდოდა, „საქართველოს ენერგეტიკის სამინისტრო“-ს სახელით დამოუკიდებელი სამინისტრო იყო. ამ ფორმით შეხვდა იგი საქართველოს მიერ დამოუკიდებლობის მოპოვების პირველ წელს (1992 წელი) და ამ ფორმით იარსება 2017 წლამდე, ვიდრე სამინისტროს საკუთარ სახელდებას დაკარგავდა.

საქართველოს ელექტროენერგეტიკა, ისე როგორც საქართველოს მთელი ეკონომიკა ქვეყნის დამოუკიდებლობის მიღების დღიდან იწყებს სოციალისტური ეკონომიკის დაშლას და საბაზრო ეკონომიკაზე, ანუ კაპიტალისტურ ეკონომიკაზე გადასვლას. ეს პროცესი განსაკუთრებით რთული აღმოჩნდა ელექტროენერგეტიკისთვის, რადგან ეს დარგი ბუნებრივი მონოპოლიის კანონებს ემორჩილებოდა.

მას შემდეგ 34 წელი გავიდა. ამ ხანგრძლივ პერიოდში საქართველოს ელექტროენერგეტიკამ მეტად რთული გზა გაიარა. იყო ჩავრდნებიც და იყო აღმასვლებიც. დღეს რომ საქართველო ელექტროენერგეტიკული ბაზრის ფორმირების სტადიაშია, ბაზრისა, რომლითაც ჯერ-ჯერობით მსოფლიოში მუშაობენ მხოლოდ მაღალგანვითარებული ქვეყნები, ეს იმას ნიშნავს, რომ ეს დარგი განვითარების სწორ გზას ადგას. ამ საკითხზე უფრო დანვრილებით ცალკე ვისაუბრებთ, ახლა კი დავუბრუნდებით საქართველოს ელექტროენერგეტიკის განვითარების ეკონომიკური მაჩვენებლების დახასიათებას და, ბუნებრივია, მოვახდენთ მათ შეფასებასაც.

როგორც ამ დარგის ქართველი სპეციალისტები წერენ, „დამოუკიდებლობის მოპოვების პირველ წლებში საქართველოს ენერგეტიკა კრიზისში აღმოჩნდა - ელექტროენერგიის მოხმარება გაუარესდა, მრეწველობაში იგი შემცირდა 8,8-ჯერ, ტრასპორტზე - 5,2-ჯერ და ა. შ. ელექტროენერგიის მოხმარების ზრდა აღინიშნებოდა მხოლოდ მოსახლეობაში“ [ჩომახიძე, 2021, გვ. 34]. ეს იყო პერიოდი, როდესაც საქართველოს ყველა სახის ელექტროსადგურების 4800 ათას კვტ. სთ. ჯამური სიმძლავრიდან მუშა მდგომარეობაში იყო მხოლოდ მისი 28,7%, ანუ 1800 ათასი კვტ. სთ. ეს ციფრები მიუთითებს იმაზე, რომ მაშინ საქართველოს ელექტროენერგეტიკა თავისი შესაძლებლობების ზღვარზე მუშაობდა - მაქსიმუმამდე გაიზარდა ელექტროენერგიის დანაკარგები, ვერ ხორციელდებოდა ელექტროალჭურვილობის რემონტები და მოდერნიზაცია, იყო შეფერხებები ელექტროენერგიის საფასურის ამოღებაში, შეყოვნდა ახალ სიმძლავრეთა ამოქმედება და ა. შ.

შემდეგში საქართველოს ენერგეტიკის დარგმა თანდათან დაიწყო სტაბილური განვითარება. ამას მოწმობს მის მიერ წარმოებული ელექტროენერგიის მოცულობა. თუ 1995 წელს იგი 1800 ათას კვტ-ს შეადგენდა, 2020 წელს აწარმოა 11,2 მლრდ კვტ. სთ [ჩომახიძე, 2021, გვ. 35]. აქედან 8248,2 მლნ კვტ. სთ. წარმოებული იყო ჰიდროელექტროსადგურებში, 90,8 მლნ კვტ. სთ. - ქარის ელექტროსადგურებში, დანარჩენი კი - თბოელექტროსადგურებში. ჰესების მიერ წარმოებული ენერგია ასე ნაწილდება: რეგულირებად ჰესებმა აწარმოეს - 4078,8 მლნ კვტ. სთ. ენერგია; სეზონურმა ჰესებმა აწარმოეს - 3537,9 მლნ კვტ. სთ. ენერგია; მცირე სიმძლავრის ჰესებმა აწარმოეს - 631,5 მლნ კვტ. სთ. ენერგია.

მთლიანობაში ელექტროენერგიის წარმოება და მოხმარების მოცულობები საქართველოში 2019-2023 წლებში წარმოდგენილი გვაქვს ცხრილი 1.

ცხრილი 1. ელექტროენერგიის წარმოება და მოხმარება საქართველოში (2020-2023 წ.წ.)

წლები	წარმოება	მოხმარება	მოხმარების გადახრა წარმოებიდან	იმპორტი მლნ. კვტ. სთ	ექსპორტი მლნ. კვტ. სთ
2020	11159,8	12412,6	+1610,1	1610,1	153,8
2021	12645,1	14047,9	+1798,8	1798,8	392,9
2022	14246,6	13385,5	-861,1	1469	971,0
2023	14390,0	13070,0	-1320,0	681,3	1470
დინამიკა: 2023 წ. %-ად 2020 წელთან	128,9	105,3	-	42,3	954,5

რადგან ცხრილიდან გამოჩნდა, რომ ელექტროენერგიის მოხმარება მთელ რიგ წლებში აღემატება მის ადგილობრივ წარმოებას, ეს იმას ნიშნავს, რომ იგი გარე წყაროებით იფარება. მართლაც, 2020 წელს საქართველოს 153,8 მლნ. კვტ. სთ. ელექტროენერგიის იმპორტი აქვს განხორციელებული. ასეთ დროს, მართალია, მცირე რაოდენობით, მაგრამ, საქართველო მეზობელ ქვეყნებთან ელექტროენერგიის ექსპორტსაც ახორციელებს. მაგალითად, 1990 წლიდან 2020 წლამდე ელექტროენერგიის ექსპორტი საქართველოდან მეზობელ ქვეყნებში 1169,0 მლნ კვტ. სთ-დან შემცირდა 153,8 მლნ კვტ. სთ-მდე.

საქართველოს ელექტროენერგეტიკა წარმოდგენილია: ჰიდროელექტროსადგურებით, თბოელექტროსადგურებით და თბო და ელექტროქსელებით. მათ შორის მთავარი ჰიდროელექტროსადგურებია, რომლებიც საქართველოს მთელ ტერიტორიაზე არიან განლაგებულნი. მათ შორის წამყვანი ადგილი ჰიდროელექტროსადგურებს უკავიათ. ისინი მდინარეთა სიმძლავრეებს იყენებენ ელექტროენერგიის გამოსამუშავებლად.

საქართველოს ჰიდროენერგეტიკული პოტენციალი ანუ 312 მდინარის საშუალოწლიური გამომუშავება 2020 წლის მონაცემებით შემდეგნაირია: თეორიული - 139 მლრდ კვტ. სთ; ტექნიკური - 80 მლრდ. კვტ. სთ., ეკონომიკური - 39 მლრდ. კვტ. სთ. და მცირე სიმძლავრის მდინარეთა - 12,3 მლრდ კვტ. სთ [ჩომახიძე, 2021, გვ. 78].

საქართველოს მდინარეთა ეს პოტენციალი, ე. ი. ენერგიის გამომუშავება ქვეყნის რეგიონების მიხედვით ასე წაწილდება [ჩომახიძე, 2021, გვ. 81]: აფხაზეთი - 31344 მლნ. კვტ. სთ.; სვანეთი - 26416 მლნ. კვტ. სთ.; სამეგრელო - 15531 მლნ. კვტ. სთ.; იმერეთი - 20580 მლნ. კვტ. სთ.; რაჭა-ლეჩხუმი - 16220 მლნ. კვტ. სთ.; გურია - 4290 მლნ. კვტ. სთ.; აჭარა - 6490 მლნ. კვტ. სთ.; სამცხე-ჯავახეთი - 5848,2 მლნ. კვტ. სთ.; ქვემო ქართლი - 5784 მლნ. კვტ. სთ.; შიდა ქართლი - 14657 მლნ. კვტ. სთ.; მცხეთა-მთიანეთი - 17925 მლნ. კვტ. სთ.; კახეთი - 11973 მლნ. კვტ. სთ.

ელექტროენერგიის წარმოება-მოხმარებაში ჰიდროელექტროსადგურებს საქართველოში და საზღვარგარეთაც, დიდი ხვედრითი წილი უკავიათ. საქართველოში 2020 წელს მათ წილად მოდიოდა მთელი გამომუშავებული ელექტროენერგიის 73,8% (ანუ 8248,2 მლნ კვტ.), ჩინეთში 30,1%, ბრაზილიაში - 9,2% და ა. შ. [ჩომახიძე, 2022, გვ. 28; 140].

ჰიდროელექტროენერგიის წარმოება საქართველოშიც და სხვა ქვეყნებშიც განუხრელად იზრდება, ამას მისი დადებითი მხარეები განაპირობებს: ჰესების მშენებლობა 5-6-ჯერ იაფია თბოსადგურების მშენებლობასთან შედარებით, ჰესები უვნებელია ატმოსფეროსთვის და სხვა.

ამ ზოგადი დახასიათების შემდეგ, რომელიც ძირითადად, ეხებოდა საქართველოს ელექტროენერგეტიკის მოწყობას, მის შედგენილობას, ელექტროენერგეტიკის მიერ ნატურალურ მაჩვენებლებში ასახულ ენერგიის წარმოებას საქართველოში და, იმ სირთულეებს, რაც მას საქართველოს დამოუკიდებლობის მოპოვების შემდეგ შეხვდა, ახლა გადავიდეთ და დავახასიათოთ ამ უწყების მუშაობა 2021-2024 წლებში იმ ინფორმაციის საფუძველზე, რომელიც გამოქვეყნებული აქვს საქართველოს სატისტიკის სახელმწიფოს დეპარტამენტს 2021-2024 წლებში.


ცხრილი 2 გვიჩვენებს საქართველოს ელექტროენერგეტიკაში რეგისტრირებულ კომპანიათა გააქტიურების დონეს, იგი გამოიანგარიშება აქტიურ, ანუ მოქმედ კომპანიათა პროცენტული შეფარდებით რეგისტრირებულ კომპანიათა რიცხვთან. უნდა აღვნიშნოთ, რომ რეგისტრირებულ კომპანიათა რიცხვს საქართველოს სტატისტიკის სამსახური ყოველ წელს აქვეყნებდა და, დღესაც აქვეყნებს. რაც შეეხება მათგან ამოქმედებულ, ანუ აქტიურ საწარმოთა რიცხვს, ინფორმაცია მათ შესახებ 2021 წლამდე არ იყო საჯარო, ამიტომ #2 ცხრილში 2020 წელს საქართველოში აქტიურ კომპანიათა რიცხვის სვეტი ცარიელი გვაქვს დატოვებული.

ცხრილი 2. რეგისტრირებულ და აქტიურ კომპანიათა რაოდენობა საქართველოს ელექტროენერგეტიკაში (ერთეული)

წლები	რეგისტრირებულ კომპანიათა რაოდენობა	მ.შ. აქტიურ კომპანიათა რაოდენობა	კომპანიების გააქტიურების დონე (%)
2020	334	...	...
2021	326	168	51,5
2022	328	154	48,1
2023	529	202	38,2
2024	586	238	40,6

წყარო: ბიზნეს სექტორი საქართველოში, 2021, 2022, 2023, 2024, 2025 წლები, გვ. 24-26; 22-23.

შემდეგი წლები - 2021, 2022 და 2023 კი გვიჩვენებს, რომ ქვეყანაში კომპანიათა რეგისტრირება აქტიურად მიმდინარეობს, რასაც ხელი შეუწყო გამარტივებულმა პირობებმა, მაგრამ კომპანიათა გააქტიურება, ანუ ამუშავება მნიშვნელოვან თანხებს მოითხოვს (შენობის დაქირავება, საწარმოო ფართის მოწყობა ტექნიკა-აღჭურვილობით, ნედლეულის, მასალების, შრომის იარაღების შესყიდვა, მომუშავეთა დაქირავება და სხვა), რომლის მოპოვება მხოლოდ ბანკებიდან შეიძლება, სადაც კრედიტი „მაღალფასიანია“ (საქართველოში წელიწადში 9-24%, საზღვარგარეთის მაღალგანვითარებულ ქვეყნებში - 2-8%, საშუალოდ წელიწადში). ცხრილი 2 გვიჩვენებს, რომ სწორედ ამ მიზეზით რეგისტრირებულ საწარმოთა ნახევარი (ხშირად კი მეტი) გაჩერებულია და არ (ვერ) მუშაობს. ამას გვიჩვენებს ნახაზი 1-იც: 2021 წელს აქტიურ საწარმოთა რიცხვი შეადგენდა რეგისტრირებულ კომპანიათა - 51,5%; 2022 წელს აქტიურ საწარმოთა რიცხვი შეადგენდა რეგისტრირებულ კომპანიათა - 48,1%-ს; 2023 წელს აქტიურ საწარმოთა რიცხვი შეადგენდა რეგისტრირებულ კომპანიათა - 38,2%-ს; 2024 წელს აქტიურ საწარმოთა რიცხვი შეადგენდა რეგისტრირებულ კომპანიათა - 40,6%-ს.



ნახაზი 1. რეგისტრირებულ ელექტროკომპანიათა გააქტიურების დონე საქართველოში

გაჩერებული ანუ არააქტიური საწარმოები საზღვარგარეთის მაღალგანვითარებულ ქვეყნებში არიან, მაგრამ იქ პასიურობის და უმოქმედობის მიზეზი ბანკის

სესხის მაღალი პროცენტი კი არ არის, არამედ, ეკოლოგიური ნორმების დარღვევა. ამ მიზეზით კომპანიები იხურება და ეძლევა გამოსწორების 1-2 თვიანი ვადა. მცირე რაოდენობით არის სხვა მიზეზებიც.

საქართველოში შექმნილ ამ სიტუაციის გამოსწორებას, ჩვენი აზრით, ერთობლივი ძალისხმევა სჭირდება. ამ პრობლემის საბოლოო გადაწყვეტა ქვეყნის მთავრობის აქტიური ჩარევით უნდა მოხდეს. დღიდან საქართველოს საბაზრო ეკონომიკაზე გადასვლისა, რომლის შემდეგ 34 წელი გავიდა, 4-ჯერ შეიცვალა ქვეყნის მთავრობა, მაგრამ ამ პრობლემას ვერავინ ვერაფერი უშველა. უბრალოდ ისინი არც შეცდილან პრობლემის გადაწყვეტას იმ მოტივით, რომ საბაზრო სისტემა უკრძალავს ქვეყნის მთავრობას ბიზნესსუბიექტების საქმიანობაში ჩარევას, მათ მუშაობას ბაზარი არეგულირებს. კი, ეს მართლაც ასეა, როცა ქვეყანა საბოლოოდ გადასულია საბაზრო ეკონომიკაზე. რადგან საქართველო ჯერ მხოლოდ ამ გადასვლის გზაზე დგას, და, მთლიანად გადასული საბაზრო ეკონომიკაზე არ არის, ჩვენი აზრით, ხელისუფლებას უფლება აქვს ჩაერიოს კომერციული ბანკების საქმიანობაში და დაავალოს მათ სასესხო პროცენტების შეცმირება. ყველაზე მისაღებად მიგვაჩნია ყველა ბანკს დაუნესდეს სესხის პროცენტის „ზედა ჭერი“.

ცხრილი 3 გვიჩვენებს ბრუნვის მოცულობას საქართველოს ელექტროენერგეტიკაში როგორც მთლიანად, ისე სანარმოთა ჯგუფების (მსხვილი, საშუალო სიდიდის და მცირე სანარმოები) ჭრილში. დასახელებულ დარგში 2020-2024 წლებში ბრუნვის მოცულობა გაზრდილია 3549,7 მლნ ლარიდან 5779,7 მლნ ლარამდე ანუ მატებამ შეადგინა 62,8% ($162,8 - 100 = 62,8\%$). ჩვენი აზრით, დიდწილად ეს გამოიწვია აქტიურ სანარმოთა რიცხვის ზრდამ, რომელმაც ამ სფეროში 2021-2024 წლებში 37% ($137 - 100 = 37\%$) შეადგინა.

ცხრილი 3. კომპანიათა ბრუნვის მოცულობა და დინამიკა საქართველოს ელექტროენერგეტიკაში 2020-2024 წლებში

წლები	ბრუნვა, მლნ ლარი	მათ შორის სანარმოთა ზომების მიხედვით					
		მლნ ლარებში			პროცენტებში		
		მსხვილი კომპანიები	საშუალო კომპანიები	მცირე კომპანიები	მსხვილი კომპანიები	საშუალო კომპანიები	მცირე კომპანიები
2020	3549,7	3031,2	417,1	101,3	85,2	11,8	2,9
2021	4865,8	4293,3	450,3	122,2	88,2	9,3	2,5
2022	5662,0	5232,7	319,2	110,2	98,6	1,1	0,3
2023	5384,3	4831,2	426,6	126,2	89,7	7,9	2,3
2024	5779,7	5125,4	526,7	127,6	88,7	9,1	2,2
დინამიკა 2024 წ. %-ად 2020 წელთან	162,8	169,1	126,1	125,9	104,1	77,1	75,8

წყარო: ბიზნეს სექტორი საქართველოში, 2021, 2022, 2023, 2024, 2025 წლები, გვ. 30,31; 27-28.

იმის გასარკვევად, რომ გავიგოთ კომპანიათა რომელმა ჯგუფმა უზრუნველყო საქართველოს ელექტროენერგეტიკაში 2020-2024 წლებში ბრუნვის 62,8%-ით ზრდა, დავაკვირდეთ მსხვილ, საშუალო და მცირე სანარმოთა ჯგუფების ბრუნვებს. ცხრილი 3 გვიჩვენებს, რომ დარგის მთლიან ბრუნვაში საშუალოდ 88-90% უკავიათ მსხვილ სანარმოებს (2022 წელს კი 98,6% ეკავათ). გარდა


ამ მაღალი ხვედრითი წონისა, მსხვილ ელექტროსადგურებს ბრუნვის ზრდის კარგი დინამიკაც აქვთ. მათი ბრუნვა 2020-2024 წლებში 62,8%-ით არის მომატებული (162,8 – 100 = 62,8%). 2020-2024 წლებში ბრუნვა საშუალო და მცირე ელექტროსადგურებშიც გაიზარდა (26,1 და 25,9%-ით შესაბამისად), მაგრამ, მათი ბრუნვის მოცულობები იმდენად მცირე იყო, რომ მათ ზრდა დიდ გავლენას ვერ მოახდენდა საქართველოს ელექტროენერგეტიკის საერთო ბრუნვის ზრდაზე 2020-2024 წლებში. ამ ცხრილის ანალიზით იმ დასკვნის გაკეთება შეგვიძლია, რომ ბრუნვის მაჩვენებლით საქართველოს ბაზარზე ელექტროენერგიის ძირითადი მომწოდებლები ადგილობრივი მსხვილი კომპანიები არიან. მაგრამ ეს ენერგია სამამულო წარმოებისაა თუ იმპორტირებული, ამას შემდეგში დავინახავთ, კერძოდ, მაშინ, როდესაც გავაანალიზებთ ელექტროენერგიის წარმოების მდგომარეობას საქართველოში (იხ. ცხრილი 4 და ნახაზი 2).

ცხრილი 4. ელექტროენერგიის წარმოება საქართველოს ელექტროენერგეტიკაში 2020-2024 წლებში (მლნ ლარი)

წლები	ელექტროენერგიის წარმოება, მლნ ლარი	მათ შორის საწარმოთა ზომების მიხედვით					
		მლნ ლარებში			პროცენტებში		
		მსხვილი კომპანიები	საშუალო კომპანიები	მცირე კომპანიები	მსხვილი კომპანიები	საშუალო კომპანიები	მცირე კომპანიები
2020	1648,9	1203,2	343,2	97,2	73,2	20,9	5,9
2021	2455,0	1968,9	367,0	119,0	80,2	15,0	4,8
2022	2983,5	2672,8	217,5	93,2	89,6	7,3	3,1
2023	2875,6	2478,3	285,2	111,6	86,2	9,9	3,9
2024	2897,1	2445,6	328,9	122,6	84,5	11,3	4,2
დინამიკა 2024 წ. %-ად 2020 წელთან	175,7	203,2	95,8	126,1	115,4	54	71,2

წყარო: ბიზნეს სექტორი საქართველოში, 2021, 2022, 2023, 2024, 2025 წლები, გვ. 41,42; 38-39.

ნახაზი 2. ელექტროენერგიის წარმოება და ბრუნვა საქართველოში 2020-2024 წ.წ. (მლნ ლარი)



ცხრილი 4-დან ვიგებთ, რომ საქართველოში 2020 წელს წარმოებული იყო 1648,9 მლნ ლარის, 2024 წელს კი - 2897,1 მლნ ლარის ღირებულების ელექტროენერგია, ორივე ეს მაჩვენებელი შესაბამისი წლების საქართველოს ელექტროკომპანიების საერთო ბრუნვის საშუალოდ 46-47%-ია, რაც იმას ნიშნავს, რომ საქართველოს ელექტროკომპანიები მყიდველებს (საწარმოები, ორგანიზაციები, მოსახლეობა) ბაზარზე აწოდებენ როგორც ადგილობრივ, ისე იმპორტირებულ ელექტროენერგიას პროპორციით 47 : 53.

ელექტროენერგიის ადგილობრივი წარმოება საქართველოში 2020-2024 წ.წ. გაზრდილია 75,7%-ით ($175,7 - 100 = 75,7$). ეს ზრდა უზრუნველყვეს მხოლოდ მსხვილ და, აგრეთვე, მცირე სიმძლავრის ელექტროსაწარმოებმა. საშუალო სიდიდის ელექტროსაწარმოებს 2020-2024 წლებში ენერგიის წარმოების ზრდა არ ჰქონდათ.

ცხრილი 5 გვიჩვენებს ინფორმაციას დამატებულ ღირებულების წარმოებაზე საქართველოს ელექტროენერგეტიკაში. 2020-2024 წლებში საქართველოს ელექტროენერგეტიკაში დამატებული ღირებულების წარმოება 940,9 მლნ ლარიდან 1985,7 მლნ ლარამდე არის გაზრდილი. ნამატმა შეადგინა 111% ($211,1 - 100 = 111$). ეს ნამატი ძირითადად უზრუნველყვეს მსხვილმა კომპანიებმა. მათთან 2020-2024 წლებში დამატებული ღირებულების წარმოება გაიზარდა 181,5%-ით ($281,5 - 100 = 181,5$), საშუალო საწარმოებში ამ პერიოდში დამატებული ღირებულების ზრდის ნაცვლად მოხდა მისი შემცირება 37,3 მლნ ლარით, მცირე კომპანიებში კი მისი წარმოება გაიზარდა 73,7 მლნ ლარიდან 85,4 მლნ ლარამდე, ე. ი. 15,6%-ით.

ცხრილი 5. დამატებული ღირებულების წარმოება საქართველოს ელექტროენერგეტიკაში 2020-2024 წლებში (მლნ ლარი)

წლები	სულ წარმოება, მლნ ლარი	მათ შორის საწარმოთა ზომების მიხედვით					
		მლნ ლარებში			პროცენტებში		
		მსხვილი კომპანიები	საშუალო კომპანიები	მცირე კომპანიები	მსხვილი კომპანიები	საშუალო კომპანიები	მცირე კომპანიები
2020	940,9	589,8	277,4	73,7	62,7	29,5	7,8
2021	1779,3	1434,2	265,1	80,0	80,6	14,9	4,5
2022	2079,8	1838,6	171,1	70,1	88,4	8,2	3,4
2023	2041,4	1747,2	201,6	92,6	85,6	9,9	4,5
2024	1985,7	1660,3	240,1	85,4	83,6	12,1	4,3
დინამიკა 2024 წ. %-ად 2020 წელთან	211,0	281,5	86,6	114,8	133,3	41,0	55,1

წყარო: ბიზნეს სექტორი საქართველოში, 2021-2025 წლები, გვ. 52-53; 49, 50.


საქართველოს ელექტროენერგეტიკაში საშუალო სიდიდის საწარმოთა ჯგუფს 2020-2024 წლების პერიოდში უკვე ორ მაჩვენებლის დინამიკაში აღმოაჩნდა არა ზრდა, არამედ შემცირება (კლება). პირველი იყო ელექტროენერგიის წარმოება, მეორე კი - დამატებული ღირებულების წარმოება. პირველი შემცირებულია 4,2%-ით ($100 - 95,8 = 4,2$), ხოლო მეორე - 13,4%-ით ($100 - 86,6 = 13,4$). იგივე მდგომარეობაში აღმოჩნდნენ ეს საწარმოები დასაქმებულთა რიცხვის და მათი შრომის მწარმოებლურობის მაჩვენებელთა დინამიკაშიც. საქართველოს ენერგეტიკის დეპარტამენტი, რომელიც ექვემდებარება საქართველოს ეკონომიკის და მდგრადი განვითარების სამი-

ნისტროს, ამ დარღვევების აღმოფხვრაზე მუშაობს.

როგორც ბრუნვაში და პროდუქციის წარმოებაში, დამატებულ ღირებულებაშიც მსხვილ ელექტროენერგეტიკულ საწარმოებს წამყვანი ხვედრითი წილი უკავიათ (იხ. ნახაზი 3).

როგორც ცნობილია ბიზნესს, ელექტროენერგეტიკა იქნება იგი თუ სხვა სფერო, თავისი განვითარებისთვის მოგება სჭირდება. ცხრილ 6-ში მოცემული ინფორმაცია გვეუბნება, რომ საქართველოს ელექტროენერგეტიკა მომგებიანი სფეროა. მომგებიანი არიან მისი მსხვილი, საშუალო და მცირე კომპანიებიც. ცხრილი 6 გვიჩვენებს, რომ ხარჯების დაფარვის შემდეგ ამ სფეროს წმინდა მოგებამ შეადგინა: 2020 წელს - 204,7 მლნ ლარი; 2021 წელ - 1247,9 მლნ ლარი; 2022 წელს - 1518,0 მლნ ლარი; 2023 წელს - 1108,9 მლნ ლარი; 2024 წელს კი - 743 მლნ ლარი.


ნახაზი 3. მსხვილ, საშუალო და მცირე ელექტროკომპანიათა ხვედრითი წილები საქართველოს ელექტროენერგეტიკაში შექმნილ დამატებულ ღირებულებაში (%)



ცხრილი 6. მთლიანი ფინანსური შედეგი (მოგება +, ზარალი -) საქართველოს ელექტროენერგეტიკის მსხვილ, საშუალო და მცირე კომპანიებში 2020-2024 წლებში

წლები	მთლიანად	მათ შორის საწარმოთა ზომების მიხედვით			რენტაბელობის დონე საქართველოს ელექტროენერგეტიკაში: მოგებაX100%/ბრუნვა
		მსხვილ კომპანიებში	საშუალო კომპანიებში	მცირე კომპანიებში	
2020	204,7	144,3	27,4	33,0	5,7
2021	1247,9	1006,5	202,1	39,3	25,6
2022	1558,0	1393,7	103,5	14,9	27,1
2023	1189,0	1066,1	15,5	26,4	20,5
2024	743	634,9	126,4	-18,4	12,8
დინამიკა 2024 წ. %-ად 2020 წელთან	362,4	441	460,5	-	224,5

წყარო: ბიზნეს სექტორი საქართველოში, 2021-2025 წლები, გვ. 88-89; 85-86.



ნახაზი 4. რენტაბელობის დონე საქართველოს ელექტროენერგეტიკაში 2020-2024 წლებში

2020-2024 წლებში საქართველოს ელექტროენერგეტიკაში მიღებული მოგება 262,4%-ით არის გაზრდილი ($362,4 - 100 = 262,4\%$). განსაკუთრებით დიდია მოგების ზრდა მსხვილ ელექტროკომპანიებში. აქ იგი გაიზარდა 144,3 მლნ ლარიდან 634,9 მლნ ლარამდე. ზრდამ შეადგინა 441%, ხოლო მატებამ - $441 - 100 = 341\%$.

რაც შეეხება საშუალო და მცირე ელექტროკომპანიებს, მათ 2020-2024 წლების პერიოდში არასტაბილური მდგომარეობა ჰქონდათ. საშუალო სიდიდის კომპანიებს მოგება 126,4 მლნ ლარამდე გაეზარდათ, ხოლო მცირე კომპანიებმა 2024

წელი ზარალით დაამთავრეს. ამის მიზეზად კომპანიათა მესვეურებმა ხარჯების ზრდა დაგვისახელეს.

ცხრილი 7 გვიჩვენებს დასაქმებულთა რაოდენობას და მათში მომხდარ ცვლილებებს 2020-2024 წლებში. ირკვევა, რომ მთლიანად ენერგეტიკაში დასაქმებულთა რაოდენობა 2020 წლის 15861 ადამიანიდან გაზრდილია 16986 ადამიანამდე 2024 წელს. ზრდამ შეადგინა 107,0%, მატებამ კი - 7,0%. დასაქმებულთა მატება მომხდარა მხოლოდ მსხვილ საწარმოებში, საშუალო სიდიდის და მცირე სიდიდის საწარმოებში კი პირიქით - დასაქმებულთა შემცირებას ჰქონდა ადგილი: მსხვილ საწარმოებში 2020-2024 წლებში დასაქმებულთა რაოდენობა 13506 კაციდან 14647 კაცამდე, ანუ 8,4%-ით არის მომატებული, დასაქმებულთა შემცირება კი საშუალო საწარმოებში მოხდა - 1,1%-ით, მცირე საწარმოებში კი 0,1%-ით. დასაქმებულთა შემცირებით შემცირდა პროდუქციის გამოშვება საშუალო სიდიდის საწარმოებში, მცირე საწარმოებში კი 0,1 რობოტები ჩაანაცვლეს დასაქმებულებს და პროდუქციის გამოშვება კი არ შემცირდა 2020-2024 წლებში, არამედ, გაიზარდა 75,7%-ით.

ცხრილი 7. დასაქმებულთა რაოდენობა საქართველოს ელექტროენერგეტიკაში 2020-2024 წლებში (კაცი)

წლები	დასაქმებულები - სულ	მათ შორის დასაქმებულები			დასაქმებულთა ხვედრითი წონები		
		მსხვილი კომპანიები	საშუალო კომპანიები	მცირე კომპანიები	მსხვილი კომპანიები	საშუალო კომპანიები	მცირე კომპანიები
2020	15861	13506	1487	868	85,2	9,4	5,5
2021	15751	13704	1369	678	87,0	8,7	4,3
2022	15175	13552	1066	557	89,3	7,0	3,7
2023	16550	14694	1145	711	88,8	6,9	4,3
2024	16986	14647	1472	867	86,2	8,7	5,1
დინამიკა 2024 წ. %-ად 2020 წელთან	107,1	108,4	98,9	99,9	101,1	92,5	92,7

წყარო: ბიზნეს სექტორი საქართველოში, 2021-2025 წლები, გვ. 110, 111, 112.

დასაქმებულთა ჩანაცვლება რობოტებით სიახლეა. მაღალგანვითარებულმა ქვეყნებმა მისი დანერგვა კარგა ხანია დაიწყეს, საქართველოში კი ჯერ-ჯერობით მხოლოდ ექსპერიმენტები მიმდინარეობს. საქართველოს მცირე სიდიდის ელექტროკომპანიებში რომ ადამიანები ჩანაცვლეს რობოტებით ესეც ექსპერიმენტია, რომლის შედეგი ხარჯების შემცირების კუთხით კომპანიის მეპატრონეებმა წინასწარ იციან - განსხვავებით დასაქმებულ ადამიანისგან რობოტს არ სჭირდება ხელფასი, სპეცტანსაცმელი და სხვა საჭიროების ნივთები, რაც მის დანერგვას კომპანიის მეპატრონისთვის მეტად სასარგებლოს ხდის. მაგრამ, ეს პროცესი წარმოშობს მეორე არასასიამოვნო პროცესს - დასაქმებულ ადამიანებს ეკარგებათ სამუშაო ადგილები და აქედან გამომდინარე, ხელფასიც. მაშინ იბადება ასეთი კითხვა: რით და როგორ იცხოვრონ ასეთმა ადამიანებმა, ან როგორ შეინახონ ოჯახი?

საზღვარგარეთის ზოგიერთი ქვეყნის კომპანიებმა ექსპერიმენტული წესით ასეთ ადამიანებს საშუალო ხელფასი დაუნიშნეს, ეს მიდგომა გამოდგება მანამ, სანამ ცოტაა დანერგილი რობოტები და, ასევე, ცოტაა გამონთავისუფლებელ დასაქმებულთა რიცხვი, მაგრამ, როცა რობოტები აბსოლუტურად ყველა სამუშაოზე ჩანაცვლებენ დასაქმებულებს, მაშინ, კომპანიები ამ ექსპერიმენტს ვეღარ გააგრძელებენ - მათ შემოსავლები არ ეყოფათ რობოტების შესაძენად და ამავე დროს, რობოტების მიერ სამუშაოდან გამონთავისუფლებულ ადამიანებზე თუნდაც მინიმალური „ხელფასის“ გასაცემად (ცხადია, ამ გასაცემელს ხელფასი არც უნდა ერქვას).

როგორც საქართველოში, ისე საზღვარგარეთ ამ საკითხზე ქვეყნის მეცნიერებიც უნდა მუშაობდნენ და ქვეყნის მთავრობებიც. საქართველოში ჯერ-ჯერობით არ გავრცელებულა ინფორმაცია დაიწყოთ თუ არა ამ საკითხზე მუშაობა და როდის აპირებენ მის გამოქვეყნებას.

ცხრილი 8. თვიური ხელფასი და გასამრჯელო საქართველოს ელექტროენერგეტიკაში 2020-2024 წლებში (ლარებში)

წლები	საშუალოდ დარგში, ლარი	მათ შორის კომპანიებში			კომპანიებში დასაქმებულთა ხელფასების შედარება დარგის საშუალო ხელფასთან (ლარებში)		
		მსხვილი კომპანიები	საშუალო კომპანიები	მცირე კომპანიები	მსხვილი კომპანიები	საშუალო კომპანიები	მცირე კომპანიები
2020	1499,8	1426,6	2062,7	1681,2	-732	+562,9	+181,4
2021	1620	1554,5	2232,6	1701,5	-655	+612,6	+87,5
2022	1810,3	1786,6	2118,7	1797,6	-234	+308,4	-12,3
2023	2078,4	2042,7	2661,1	1876,2	-357	+582,4	-202,2
2024	2304,7	2294,8	2657,4	1865,9	-9,9	+352,7	-438,6
დინამიკა 2024 წ. % -ად 2020 წელთან	153,7	160,7	128,8	103,1	-	62,6	-

წყარო: ბიზნეს სექტორი საქართველოში, 2021-2025 წლები, გვ. 52-53; 49, 50.

ცხრილი 8 გვიჩვენებს საქართველოს ელექტროენერგეტიკის კომპანიებში ხელფასის და გასამრჯელოს მოცულობებს მსხვილ, საშუალო და მცირე კომპანიების ჭრილში. ცხრილიდან ჩანს, რომ ყველაზე მაღალი ხელფასები საშუალო კომპანიებში დასაქმებულებს აქვთ. მათი თვიური ხელფასები 500-600 ლარით აღემატება ამ სფეროს საშუალო თვიურ ხელფასებს.

შეზღუდული მდგომარეობაა მსხვილ კომპანიებში. აქ დასაქმებულთა საშუალო თვიური ხელფასები არა მხოლოდ დარგის საშუალო ხელფასებზე ნაკლებია, არამედ, მნიშვნელოვნად ჩამორჩება საშუალო სიდიდის საწარმოებში ხელფასებს და ზოგიერთ წლებში - 2020, 2021 წლები - მცირე საწარმოებში დასაქმებულთა ხელფასებსაც. მსხვილ საწარმოთა მესვეურებმა ამ საკითხს ყურადღება მხოლოდ 2023 წელს დაუთმეს და ხელფასი თვეში 2042,7 ლარამდე, ანუ 2020 წელთან შედარებით 43,2%-ით გაზარდეს. მნიშვნელოვნად გაზარდეს იგი 2024 წელშიც.

როგორც დარგში, ისე ცალკეულ საწარმოებში დახარჯული შრომის შესაბამისად ხელფასიც უნდა იზრდებოდეს, თუმცა, დაუშვებელია მისი ზრდის გადაჭარბება შრომის მწარმოებლურობის ზრდის მაჩვენებელზე. ამ საკითხის გასარკვევად წარმოვადგენთ საქართველოს ელექტროენერგეტიკაში დასაქმებულთა შრომის მწარმოებლურობის მაჩვენებლებს საანალიზოდ აღებულ იგივე 2020-2024 წლებში (იხ. ცხრილი 9) და მოვახდენთ შედარებას.

ცხრილი 9. ერთი დასაქმებულის შრომის მწარმოებლურობა საქართველოს ელექტროენერგეტიკაში 2020-2024 წლებში (მლნ ლარი)

წლები	სულ დარგში საშუალოდ, ლარი	მათ შორის კომპანიებში, ლარი			კომპანიების შრომის მწარმოებლურობა %-ად დარგის საშუალო მწარმოებლურობასთან		
		მსხვილი კომპანიები	საშუალო კომპანიები	მცირე კომპანიები	მსხვილი კომპანიები	საშუალო კომპანიები	მცირე კომპანიები
2020	103645	89108	230827	111958	85,9	222,7	108,8
2021	155861	143675	268110	175521	92,1	169,0	112,6
2022	196605	197225	204005	167358	100,3	103,7	85,1
2023	173755	168661	249567	156961	97,1	143,6	90,3
2024	170554	166967	223442	141380	97,9	131,0	82,9
დინამიკა 2024 წ. %-ად 2020 წელთან	164,4	187,3	96,8	126,3	-	-	-

წყარო: ბიზნეს სექტორი საქართველოში, 2021-2024 წლები, გვ. 130-131; 127-129.

ცხრილ 9-ის ინფორმაციით ირკვევა, რომ 2020-2024 წლებში საქართველოს ელექტროენერგეტიკის დარგში შრომის მწარმოებლურობა გაზრდილა 64,4%-ით (ხელფასი გაზრდილი იყო იგივე პერიოდში 53,6%-ით), მსხვილ საწარმოებში შრომის მწარმოებლურობა გაზრდილა 87,3%-ით, საშუალო საწარმოებში შემცირებულია - 3,2%-ით, ხოლო მცირე საწარმოებში გაზრდილა - 26,3%-ით (ასეთ დროს, ხელფასი იგივე პერიოდში გაზრდილი იყო მსხვილ საწარმოებში - 60,7%-ით, საშუალო საწარმოებში - 28,8%-ით, ხოლო მცირე საწარმოებში - 3,1%-ით).

ჩვენი კვლევით აღმოჩნდა, რომ საქართველოს ელექტროენერგეტიკაში დასაქმებულთა ხელფასები გაზრდილია მათი შრომის მწარმოებლურობის ზრდის საფუძველზე. ეს სრულიად ნორმალურია. ისიც უნდა ავლნიშნოთ, რომ შრომის მწარმოებლურობის ზრდის ტემპი უნდა აღემატებოდეს ხელფასების ზრდის ტემპს. ჩვენ ვიანგარიშეთ და შევადარეთ ერთმანეთს ეს მაჩვენებლები და წარმოვადგინეთ მე-10 ცხრილში.

ცხრილი 10. ხელფასის და შრომის მწარმოებლურობის მატების ტემპი საქართველოს ელექტროენერგეტიკის კომპანიებში 2020-2024 წლებში

	საქართველოს ელექტროენერგეტიკაში	მათ შორის		
		მსხვილ საწარმოებში	საშუალო საწარმოებში	მცირე საწარმოებში
ხელფასის ზრდა 2020-2024 წ.წ.	53,7%	60,7%	28,8%	3,1%
შრომის მწარმოებლურობის ზრდა 2020-2024 წ.წ.	64,4%	87,3%	0	26,3%
განსხვავება (2 - 1)	64,4 - 53,7 = 10,7	87,3 - 60,7 = 26,8	0 - 28,8 = 0	26,3 - 3,1 = 23,2

მე-10 ცხრილიდან ჩანს, რომ საქართველოს ელექტროენერგეტიკაში 2020-2024 წლებში დასაქმებულთა შრომის მწარმოებლურობა 10,7%-ით არის გაზრდილი ხელფასის ზრდასთან შედარებით. მსგავსი მდგომარეობა დაფიქსირდა მსხვილ და მცირე კომპანიებში, რასაც ვერ ვიტყვით საშუალო სიდიდის ელექტროკომპანიებზე. მათთან დარღვეულია ეს წესი და სახეზეა არა შრომის მწარმოებლურობის ზრდის პროცენტის მეტობა, ხელფასის ზრდაზე, არამედ, პირიქით ხელფასის ზრდის მეტობა (28,8%-ით) შრომის მწარმოებლურობაზე.

ისეთ დიდ დარღვევას როგორც 28,8%-ია, შემთხვევითი მოვლენა არ შეიძლება ეწოდოს. ესეც არის პრობლემა და მასაც სიღრმისეული შესწავლა და გამომწვევი მიზეზების განეიტრალება სჭირდება.

დასკვნა

საქართველოს ელექტროენერგეტიკის საქმიანობის მიმოხილვითმა ანალიზმა გვიჩვენა, რომ 2020-2023 წლებში, ისე როგორც წინა წლებში საქართველოს ელექტროსიმძლავრეები ვერ აკმაყოფილებდნენ ენერგიაზე საკუთარი ქვეყნის მომხმარებელთა მოთხოვნას და მისი დეფიციტი იფარებოდა იმპორტით. ამის ძირითადი მიზეზი იყო (და დღესაც არის) აქტიურ ელექტროკომპანიათა სიმცირე (საშუალოდ, რეგისტრირებულთა 44-50%). ამის მიუხედავად 2021-2024 წლებში ელექტროენერგიის წარმოება საქართველოში გაიზარდა 75,7%-ით (მსხვილ კომპანიებში 103,2%-ით), ბრუნვის მოცულობა 62,8%-ით (მსხვილ კომპანიებში 69,1%-ით), დამატებული ღირებულების წარმოება გაიზარდა 111%-ით (მსხვილ კომპანიებში - 181,5%-ით), დარგი მომგებიანია, მაგრამ რენტაბელობის დონე 2022 წლიდან ყოველ წელს მცირდებოდა და ა. შ. იყო სხვა დარღვევებიც. ეს განსაკუთრებით შთამბეჭდავია საშუალო ზომის კომპანიებში.

გამოყენებული ლიტერატურა:

1. ჩომახიძე დ. საქართველოს ენერგია ციფრებში. თბ., გამომც.: „დანი“, 2021.
2. ჩომახიძე დ. ეკონომიკა და მენეჯმენტი ენერგეტიკაში. ქუთაისი. 2022.
3. ჩომახიძე დ. ელექტროენერგიის ტარიფი და მისი ცვლილების კონცეფცია. ჟ. „ეკონომისტი“, N4. 2021.
4. ბიზნესსექტორი საქართველოში. თბ., 2021-2025 წლების გამოცემები.

REFERENCES:

1. Chomakhidze D. Georgian Energy in Numbers. Tbilisi, Publ.: “Dani”, 2021.
2. Chomakhidze D. Economics and Management in Energy. Kutaisi. 2022.
3. Chomakhidze D. Electricity Tariff and the Concept of Its Change. J. “Economist”, #4. 2021.
4. Business Sector in Georgia. Tbilisi, 2021-2025 Editions.

DOMESTIC ECONOMIC PROBLEMS OF GEORGIAN ELECTRIC POWER INDUSTRY

Sergo Rukhadze,

PhD Student of David Aghmashenebeli

University of Georgia

zhvelia65@mail.ru

RESUME

The article is dedicated to a sector of the economy, without the proper development of which no sector of the country can function normally. Georgian electric power industry, like the entire Georgian economy, has been transitioning from a socialist economy to a capital, or market economy, since 1992. This process turned out to be especially difficult for the electric power industry, because this sector was subject to the laws of natural monopoly at that time.

In the first years of the transition to a market, or capitalist economy, Georgian electric power industry was in a crisis. This is evidenced by the volume of electric power produced by it - in 1995 it produced only 1,800 thousand kWh of electric power.

In terms of enterprises, large electric power companies have the best situation. In the period taken for analysis (2020-2024), they increased all economic indicators. This cannot be said about medium and small electric power companies - medium-sized power companies have not increased, but rather decreased, energy production, wages, number of employees, added value and labor productivity in 2020-2024. The same situation was found in small electric power companies in terms of profit and number of employees.

Keywords: economic problems; transition to a market economy; small, medium and large electric power companies.